



## Načisk protokola zjawneho džěła 1. (rjadne) posedženje Zwjazkowego předsydstwa Domowiny

---

datum: pjatk, 24.09.2021

městnosć: Internat Delnjoserbskeho gymnazija w Choćebuzu

čas: 17.30 – 22.00 hodź.

přitomni: D. Statnik, M. Hančik, dr. H. Leipner, F. Albertowa, J. Clausen, B. Cyž, D. Dyrlich, K. Ela, K. Grofa, M. Hasacky, A. Hiccyna, L. Žurec-Pukačowa

digitalnje: W. Bejmak, J. Bělk, M. Brycka, L. Dučmanowa, M. Libšowa, D. Maticowa, M. Młynkowa, G. Šejn, D. Wowčerjowa (wot 17.45 hodź.), M. Michałkowa (wot 18.18 hodź.)

zamołwjeni: B. Bělk, M. Funka, M. Mark, F. Ričel, B. Sćapan, F. Grajcarekec, W. Janhoefer

hosćo: M. Kowar, M. Końcař, dr. B. Brězanowa (wot 17.45 hodź.), M. Brauman, M. Di Sarnowa, B. Pittkunings, M. Šusterowa

medije: H. Adam

---

### 0. Zahajenje posedženja

wotewrjenje a powitanje / zwěšćenje přitomnosće a zamołwjenjow / zwěšćenje wobzamknjenjakmanosće / schwalenje dnjoweho porjada / zwěšćenje zajatosće

Na posedženju wobdźěli so 20 čłonow = 67%, z tym je wólbokmanosć zaručena.

Wobzamknjenje č. 5 z dnja 24.09.2021

**Dnjowy porjad posedženja Zwjazkowego předsydstwa so schwali.**

za namjet: 19	přećiwo namjetej: 0	so hłosa wzda: 0
---------------	---------------------	------------------

Namjet so z tym přiwza.

Zajatosć so njezwěšći.

### 1. Rozprawa předsydy Domowiny a čłonow zwjazkowego předsydstwa wo džěławosći třěšneho zwjazka mjez posedženjomaj zwjazkowego předsydstwa

K předležacej rozprawje doda K. Grofa k dypkej 1.3, zo je towarstwo PAWK přewjedło wot 17.-19.9.21 w Budyšinje wuměnu z čłonami MENS a zo so 25.9.21 wotměje hłowna wólbna zhromadźizna.

Bj. Cyž: informuje wo posedženju mjeńšinoweje rady dnja 20.09.2021 a wo wotewzaću pućowanskeje wustajeńcy wo mjeńšinach, kotraž je so w Berlinje zrealizowała.

Dawid Statnik přitomnych hišće wo tym informuje, zo je so próstwa Serbskeho sejma, přistupić mjeńšinowej radže, wotpokazała a zo chce wón z nowymi zapóslancami po wólbach prawje bórže kontakt nawjazać.

*Diana Wowčerjowa so digitalnje přidruži, z tym je 70% člonow přitomnych.*

## 2. Informacija k aktualnym aspektam džěławosće zarjada Domowiny a RCW

Marko Kowar:

- hłowne čěžišća su na jednej stronje personelne wužadanja a na druhej stronje mnohotnosť terminow a zarjadowanjow, kotrež hodža so personelnje lědma wšě realizować
- Rozmyslowanja su trěbne, w kotrej měrje mět a dyrbi zarjad na wšo reagować a kak hodži so to – tež na člonow ZP a wuběrki - rozdžělić? Próstwa na ZP, sej k tomu mysle činić.

K tomu přispomni Jan Bělk, zo ma tež Zwjazk serbskich wumětcow podobne problemy, dokelž dóstanu nadměru wjele přeprašenjow.

Dr. Brězanowa

- Składnostnje jubilejneho zarjadowanja 30 lět RCW w Čornym Chołmcy su dóstali wjele přizjewjenjow za projektowe dny (160 džěći), štož je jara zwjeselace.
- Wona widži jako jedne z hłownych čězow džěła wobstejnosće na wšelakich šulach, kotrež njewotpowěduja džensnišim žadanjam a narokam a z tym wězo wučerjow do džěła njewabja.

Dr. Leipner so praša, kelko šulerjow z DŁ je so za zarjadowanje w Čornym Chołmcy přizjewiło? K tomu knj. Brězanowa praji, zo je bohužel k njedorozumjenju nastupajo přeprašenjow ze zarjadowom w DŁ dóšlo, tak zo njejsu so wšitke šule narěčeli, ale šulerjo n.př. ze Žylowa budu pódla. Sobudžětačerjo pak su rady zwólniwi, to tež we wotpowědnej formje za šulerjow z Delnjeje Łužicy nachwatać, jeli so to přeje.

## 3. Naprašowanja člonow Domowiny a hosći k serbskim naležnosćam

- Dnjowy dypk so njetrjeba wobjednać, dokelž njepředleža žane naprašowanja.

## 4. Schwalenje protokola 21. (rjadneho) posedženja z dnja 07.05.2021 w Budyšinje

Wobzamknjenje č. 6 z dnja 24.09.2021

**Protokol 21. (rjadneho) posedženja z dnja 07.05.2021 w Budyšinje so schwali.**

za namjet: 12	přećiwo namjetej: 0	so hłosa wzda: 8
---------------	---------------------	------------------

Namjet so z tym přiwza.

## 5. Schwalenje protokola konstituowaceho posedženja z dnja 19.06.2021 w Budyšinje

Wobzamknjenje č. 7 z dnja 24.09.2021

**Protokol konstituowaceho posedženja z dnja 19.06.2021 w Budyšinje so schwali.**

za namjet: 20	přećiwo namjetej: 0	so hłosa wzda:
---------------	---------------------	----------------

Namjet so z tym přiwza.

Marja Michałkowa so digitalnje wobdželi; z tym je nětko 22 wobdžělnikow = 73%.

## 6. Wobzamknjenja

### 6.1. Plan džěławosće ZP a prezidija - tematiske čěžišća

předłoha ZP 10/2021

- Dawid Statnik prosy wo změnu termina posedženja ZP w nowembru na 19.11.21
- Nowe ZP dyrbi so hišće na to dojednać, hač wotměja so posedženja zasadnje pjatk abo sobotu
- A. Hiccyna prosy zasadnje wo pjatkowne terminy
- Damian Dyrlich tomu přihłosuje, dokelž bě dotalne rjadowanje tež nastupajo eficiencu dobre
- J. Bělk pleděruje za sobotu; Wón widzi ZP jako wažny gremium, kiž zastupuje serbski lud a tohodla dyrbi so gremijowemu džětu tež wosebita kedźbnosć wěnować a na sobotach su po jeho měnjenju diskusije měrniše a precizniše.
- Dr. Leipner podšmórnje wažnosć gremijoweho džěta. Wón namjetuje, zo so dwójce klawsurne posedženje sobotu přewjedže.
- D. Statnik doporučí zakładny plan wobzamknyć a klawsury po potrebjce planować. Tež widzi za móžne, zo so džěl džěta we wuběrkach přihotuje.

Wothłosowanje:

Wobzamknjenje č. 8 z dnja 24.09.2021

#### Kajki dzeń namjetujeće jako posedženski dzeń?

za pjatk: 21	za sobotu: 1
--------------	--------------

Namjetuje so z tym pjatk jako posedženski dzeń.

- M. Hančik namjetuje hišće klawsurne posedženje ze zastupjerjemi załožboweje rady zapřijeć.
- Termin za wuznamjenjenske zarjadowanje "Myto Domowiny" so na 7.10.2022 koriguje.

Wobzamknjenje č. 9 z dnja 24.09.2021

#### Zwjazkowe předsydstwo Domowiny wobzamkne: plan swojeje džěławosće a skutkowanja jeho prezidija hač do kónca lěta 2022.

za namjet: 22	přećiwo namjetej: 0	so hłosa wzda: 0
---------------	---------------------	------------------

Namjet so z tym přiwza.

### 6.2. Dorozumjenje wo rozšěrjenju livestreama wo posedženjach Zwjazkowneho předsydstwa Domowiny

předłoha ZP 11/2021

Dawid Statnik hišće naspomni, zo na youtube bohužel dotal přełožk njeje simultanje móžny. Potreba pak so dotal tež njeje signalizowała.

Wobzamknjenje č. 10 z dnja 24.09.2021

**Zwjazkowe předsydstwo Domowiny wobzamknje:**

- 1. Zwjazkowe předsydstwo Domowiny rozsudži, zjawny džěl posedženjow z pomocu livestreama zjawnosći spřístupnić.**
- 2. Livestreamy posedženjow maja znajmjeńša lěto přistupne być.**
- 3. Zarjad Domowiny ma trěbne techniske wobstejnoscě rjadować.**

za namjet: 21	přećiwo namjetej: 1	so hłosa wzda: 0
---------------	---------------------	------------------

Namjet so z tym přiwwa.

### **6.3. Wutworjenje wuběrkow Zwjazkoweho předsydstwa**

predłoha ZP 18/2021

Dawid Statnik pokaza na to, zo džěło wuběrkow hišće njeje rjadowane a zo měł kóždy člon ZP w jednym wuběrku zastupjeny być.

Wobzamknjenje č. 11 z dnja 24.09.2021

**Zwjazkowe předsydstwo Domowiny wobzamknje:**

**Na zakładze art. 9 (6) dypk 7 wutwori zwjazkowe předsydstwo slědowace stajne wuběrki za wólbnu dobu 2021-2025:**

- 1. wuběrk za serbsku ciwilnu towaršnosć**
- 2. wuběrk za kubłanje**
- 3. wuběrk za kulturu a wuměłstwo**
- 4. wuběrk za hospodarstwo a infrastrukturu**
- 5. wuběrk za politiske a prawniske naležnosće**
- 6. wuběrk za zjawnostne a wukrajne džěło**
- 7. wuběrk za naležnosće strukturneje změny**
- 8. wuběrk za nutřkownu demokratiju**

**Kóždy člon zwjazkoweho předsydstwa měł w jednym z mjenowanych wuběrkow sobu džěłać.**

**Kóždy wuběrk smě zapřijeće dalších wěcywustojnych do swojich rjadow namjetować. Člonstwo ma so přez Zwjazkowe předsydstwo wopodstatnić.**

**Zarjad Domowiny resp. RCW pomjenuje za kóždy wuběrk přisłušneho zamołwiteho zarjada.**

za namjet: 21	přećiwo namjetej: 0	so hłosa wzda: 1
---------------	---------------------	------------------

Namjet so z tym přiwwa.

#### 6.4. Pomjenowanje dweju člonow Zwjazkowneho předsydstwa do prezidija Domowiny

ředłoha ZP 20/2021

Dawid Statnik namjetuje Marlis Młynkownu, kotraž swoju zwólniwość tež na tutym městnje hišće raz zwurazni. Zastupjerja z Delnjeje Łužicy dotal namakał njeje.

Dawid Statnik pokaza na jednanski porjad a modus wólbow. Zdobom praša so, hač je něchtó přećiwo zjawnym wólbam. Jedne wotpokazanje wotewrjenych wólbow. Wudžěla so wólbne lisćiki a digitalne wólby so anonymnje přewjedu.

Wobzamknjenje č. 12 z dnja 24.09.2021

##### **Přihłosujeće pomjenowanju Marlis Młynkowneje do prezidija Domowiny?**

za namjet: 17	přećiwo namjetej: 0	so hłosa wzda: 5
---------------	---------------------	------------------

Namjet so z tym přiwza.

ředłoha ZP 20/2021 so aktualizuje:

Wobzamknjenje č. 13 z dnja 24.09.2021

##### **Zwjazkowe předsydstwo Domowiny wobzamkne:**

**Na zakładze artikla 10, wotstawk 1, sada 1 wustawkow Domowiny powoła Zwjazkowe předsydstwo Domowiny člonku zwjazkowneho předsydstwa Marlis Młynkownu na namjet předsydy Domowiny za wólbnu dobu 2021-2025 do prezidija Domowiny:**

za namjet: 17	přećiwo namjetej: 0	so hłosa wzda: 5
---------------	---------------------	------------------

Namjet so z tym přiwza.

#### 6.5. Pomjenowanje Wernera Sroki jako čestnohamtsce skutkowacy społnomócnjeny Domowiny za Wendland

ředłoha ZP 12/2021

Bjarnat Cyž wita, zo so džěło ze zastupjerjami z Wendlanda dale wjedže. Wón pak so džiw nad wysokosću nałožby, kotraž je w předłoze mjenowana.

Dawid Statnik wujasni, zo jedna so tu bohužel wo zmylk w předłoze, kotryž njeje so hišće šmórnyl. Nałožba so w tej wysokosći, kaž je to w předłoze, njemóže a njebudže płaćić, jenož realne wudawki.

Wobzamknjenje č. 14 z dnja 24.09.2021

##### **Zwjazkowe předsydstwo Domowiny wobzamkne:**

- 1. Werner Sroka powołuje so jako zamołwity za zhromadne džěło Domowiny z Wendlandom (społnomócnjeny za Wendland - němsce: Wendlandbeauftragter der Domowina).**
- 2. Jednaćel Domowiny dóstanje nadawk, trěbne zrěčenje za čestnohamtske džěło wotzamknýć.**

za namjet: 22	přećiwo namjetej: 0	so hłosa wzda: 0
---------------	---------------------	------------------

Namjet so z tym přiwwa.

*Krótka přestawka dla techniskich problemow, dale 19.10 hodź.*

#### 6.6. **Próstwa wo podpěru serbskim a serbsce wuknjacym šulerjam a šulerkam při nawuknjenju a natožowanju serbsčiny na čłonske towarstwa a župy kaž tež na šěršu zjawnosć**

Předłoha ZP13/2021

Dr. Brězanowa k tomu hišće doda, zo dže wo to, zjawnosć hišće bóle za serbskosć sensibilizować. W Sakskej srědki za to su.

Alena Hiccyna přispomni, zo móhła so snano hišće pokazka na to zapřijeć, zo je pjenježne zarunanje za engagement móžne.

Wobzamknjenje č. 15 z dnja 24.09.2021

**Zwjazkoweho předsydstwa Domowiny wobzamknje:**

- 1. Zwjazkowe předsydstwo namołwja wšitke čłonske towarstwa a župy, kaž tež šěršu zjawnosć, zwólniwych za nawod wučbu wudospołnjacych naprawow a/abo serbskorěčnych cyłodnjowskich poskitkow namakać a aktiwizować. Z tym maja so wuknjenske zastatki šulerjow a šulerkow serbsko-němskich šulow a šulow ze serbskim poskitkom wottwarić.**
- 2. W Sakskej je zakład spěchowanski program zwjazka a krajow „Nachwatanje po Coronje za džěći a młodostnych”. Nastupajo Braniborskeje a tamnišich rjadowanjow k cyłodnjowskim poskitkam pruwuje so, kotre móžnosće wobsteja, tam wotpowědne poskitki zapřijeć.**
- 3. Kubłanska referentka dóstanje nadawk, wjednistwa wotpowědnych šulow wo namołwje informować. Zdobom wabi za to, zo šulske wjednistwa wutworjenje (dalšich) serbskorěčnych poskitkow w swojej šuli aktiwnje podpěraja.**

za namjet: 22	přećiwo namjetej: 0	so hłosa wzda: 0
---------------	---------------------	------------------

Namjet so z tym přiwwa.

#### 6.7. **Pomjenowanje zastupujucego člonka Domowiny do wuběrka za młodžinsku pomoc města Chóšebuza**

předłoga ZP 19/2021

Marcus Końcař informuje k pozadkam předłohi.

- Žane přećiwny hłosa nastupajo zjawnych wólbow.

Wobzamknjenje čo. 16 z dnja 24.09.2021

**Zwězkowe pśedsedařstwo Domowiny wobzamkno:**

**Franciska Albertowa pomjenujo se w nadawku kšywowego zwězka ako zastupujucy člónk do wuběrka za młožinsku pomoc města Chóšebuza. Wóna bužo zastupnica Alexandra Neumanna, kótaryž Domowinu wót lěta 2019 w toś tom wuběrku z porážujucym głosom zastupujo.**

za namjet: 22	přećiwo namjetej: 0	so głosa wzda: 0
---------------	---------------------	------------------

Namjet so z tym přiwza.

**7. Aktualna debata čłónow zwjazkowego předsydstwa k namjetowanej tematice po jednanskim porjedže ZP § 2 dypk 2**

Dnjowy dypk so šmórnje, dokelž žane zapodaća njepředleža.

**8. Wšelčizny a informacije**

- Madlena Di Sarnowa so čłónam ZP předstaji.
- Dawid Statnik informuje, zo su wólbne kopolaki pod domowina.blog wozjewjene
- Damian Dyrlich: je rěčny kurs w Čěskej sobu podpěrať; Tam su storčili na problem, zo njepředleži aktualny čěsko-serbski resp. serbsko-čěski słownik. Wón budže z jednaćelom LND wo tym rěčeć, dokelž potrjeba na kóždy pad wobsteji.
- Dale chce so D. Dyrlich z Janom Budarjom wo tym dorozumić, na kotre wašnje by so hodžało poľne městno za kontaktnu wosobu SPL zarjadować. SPL personelnych problemow dla wšelake wěcy njemóže realizować.
- Bjarnat Cyž pokaza na nowe wužadanje w zwisku ze strukturnej změnu. Tuchwilu so spěchowanske směrnicy wudžěłaja, spěchowanje ma klětu zaběžeć. Tohodla je wažne, sej mysle wo tym činić, kak budže spěšne wothłosowanje móžne, dokelž je wolumen za projekty jara wobšěrny a zmóžnja z tym tež dołhodobniše projekty. Wón widzi bórzomne wuradźowanje k tutej tematice za trěbne.

protokol: Michaelis Šusterowa

přehladałoj: Dawid Statnik, Marko Kowar